

TICO CROES DOCENTE INVITA NA UNIVERSIDAD DI ANTILLAS

ORANJESTAD (AAN): Mas reconocimiento ta worde duna na Arubiano den persona di Tico Croes kende a keda nombra como docente invita di Universidad di Antillas. E universidad lo haci uso di e conocimiento di Tico Croes na interes di e estudiantenan pa materia especializa.

Recientemente Tico Croes durante tres fin di siman a dicta curso den "E situacion actual di Caribe: problemanan y perspectivanan pa futuro". Reconoci pa su estudionan y carera den politica internacional Tico Croes a instrui estudiantenan di e facultad socio economico di e Universidad.

E curso a worde dicta den dos parti. Analiza e diferente topiconan manera vulnerabilidad y viabilidad di region di Caribe mescos cu e relacionnan cu mundo y e tamaño di e region. E complejidad presenta pa region di Caribe a sali dilanti. Entre otro a word muestra cu no pasobra un pais no ta independiente e mes no por ta encarga cu su relacionnan cu exterior. Den e cuadro aki a analiza Puerto Rico y Aruba y Antillas.

E aspectonan di politica interno social tambe a keda analiza.

Den e segundo parti a bay mas den e influencia di e factor regional y extra regional. E relacionnan cu paisnan manera Venezuela y Merca pero tambe Europa; Colombia; Mexico y Canada a keda presenta. Factornan no gubernamental manera Socialista Internacional y e organizacion Cristian Democrata a worde atendi.

E proceso di decolonizacion naturalmente a keda specifica.

Den futuro Tico Croes lo sigui worde invita pa dicta cursonan na Universidad di Antillas.

Mester bisa cu Tico Croes

cionnan Exterior di Aruba) ta ricibi hopi reconocimiento na Antillas pa su conocimiento. Recientemente el a worde envolvi tambe den e ciclo di

charlanan encunto futuro estatal den cuadro di e discusionnan na Antillas entorno e futuro estatal di e pais.